



FOTO E. HENDRY

Il paradisi ei tier nus

DA ALINA HENDRY

■ Denter Nadal e Daniev eran nossas valladas buca cuvretgas cun ina cozz'alva. Ei pareva buca propi dad esser unviern. Enstagl da scrottas curduntas sclareva il sulegl cun tut sia forza. Da

quei temps han ins gudiu nosa biala cuntrada sin in'otra moda. Tgei ch'ei vegniu cunscient duront ina spassegiada ellas altezias dil territori da skis da Mustér ei ch'il paradisi schai avon esch! Muort la peda da contemplar la natira prendan ins per ver ils pli magnifics ma-

letschs che sepresentan en nossas muntognas.

Uss ei igl unviern arrivau e la natira ei zugliada en ina cozza tarlischonta. Engrazieli dunna Holla per mintga scrotta che ti has tarmess a nus.

Nov dachasa per la GiuRu

DA FLAVIA HOBI

■ Strusch ha il 26avel onn da la GiuRu entschet ha noss president puspè dastgà communitgar in punct culminant en l'istorgia da la GiuRu. E quai en l'intervista per l'emprima Bäterlada da l'onn 2017. Al discurs, uss era accessibel en la mediateca, ha il giuven moderatur *Elias Tsoutsaios* da Scuol invidà. Uss è la chausa sa concretisada. La fin d'emna passada avain nus fatg midada en trais. *Maurus Bundi*, *Dominic Blumenthal* ed *Uolf Candrian* èn stads si Laax en il tshaler ed archiv per il material da la GiuRu. Tge cletg avain nus chattà l'ascensur bain zuppà en l'anteriuor hotel Arena Alva. Cun la chargia essan nus arrivads bain sonda, anc avantmezdi, en la nova loca-

litad da la GiuRu. Suenten ina curta pausa da mezdi da strusch in'ura ed in bun gentar mexican, pajà da la GiuRu, han els trais drizzà en vinavant il local.

Da partir dal favrer avain nus in nov dachasa, quai en il «Welschdörfl» a Cuira, vis etimologicamain en il vitget rumantsch da la chapitala grischuna. La gronda stanza cumpartin nus cun *Remo Weishaupt* dal Teater Giuven Grischun e *Thomas Kaiser*, texter e schurnalist. Nus ans legrain sin ina buna vischinanza e sperain che era Thomas emprendia svelto rumantsch. En la stanza ha la GiuRu in agen pult, mo er ina maisa cumadaivla per discurs. Uschia n'avain nus betg be in lieu per deponer noss material e manar tras sesidas, mabain er in'adressa per ch'ins sappia nua ch'ins chatta la GiuRu

– saja per far visita, trametter posta u autras chaschuns.

Ultra dad in lieu da scuntrada per la supprastanza duain cunzunt era tut noss commembers, quels che vulan anc daventar commembers, profitar da quest lieu. La commembranza custa be tar l'entrada ina giada 20 francs. Uschia pudess nosa stanza dentant er vegnida duvrada tras giuvenils che lavuran vi dad in project rumantsch, per exempel ina lavur da matura, che la GiuRu sustegn en quel cas pia betg exnum mo finanzialmain. Mo era sche la GiuRu avess dad organisar auters eveniments pli gronds è quai pussaivel. Quai vegn prest ad esser il cas cun l'inauguraziun dal nov dachasa da la giuventetgna rumantscha che ha lieu questa primavaira en il nov local da la GiuRu.



Ina chargia plaina cun bunamain tut il material da la GiuRu en in auto. Il grop è gia fatg.

FOTO U. CANDRIAN

vusch
giuvna



Ils trais Fris che han visità la GiuRu: Nina Peckelsen, Geart Tigchelaar ed Ydwine Scar-se sin la plattafurma Il Spir a Flem.

FOTOS M. BUNDI

In resun giu dal nord

DA NINA PECKELSEN

■ Perquai che la GiuRu è vegnida tshernida sco partenari da nus en il project YEN-Pairing avain nus praticamain envidà en nus tar els. Nus fissan da la FYK, scrit ora Frysk Ynternasjo-naal Kontakt, pia l'unioni per il barat internaziunal dils Fris. Nus avain decidì da festivar Bumaun ensemen cun ils Rumantschs en Svizra. En trais, Ydwine Scar-se, Geart Tigchelaar e Nina Peckelsen, avain nus cumenzà noss viadi. Tge cletg che era dus Sorbs, Stefan Cuška e Milla Kowar, han accompagnà e divertì nus sin noss lung viadi e sin nosa aventura en terra rumantscha. So survivan Fris, disads da viver be paucs meters sur mar, mo uschè autezzas? Strusch, ma nus essan tuts trais turnads sauns e ventiraivels.

Il YEN-Pairing tranter FYK e Giu-Ru ha propi giu in fraid cumenzament – che nus avain tuttina charezzà! Nus avain festiva Silvester a Sagogn tar ils Rumantschs, accumpagnads da dus Sorbs. *Maurus Bundi* ha manà nus segir tras la cuntrada e tras las meglras bars da la regiun. Nus avain visità a Flem il Lag la Cauma, d'enviern prest cumplet schelà, e la plattafurma Il Spir a Conn si sur la Ruinaulta, la chavorgia dal Rain. Il flum che sbucca en la Mar dal nord, betg lunsch davent da nos dachasa sin las inslas frislandaisas. En Val Lumnezia essan nus anc s'inscuntrads cun *Marco Coray* che ha là expligà a nus massa chaussas. Nus sperain che entgens Rumantschs chattian ina giada era la via tar nus. Grazia fitg per quests dis tar vus!



Quel chaunin è curri si dad ina entira taissa plaunca per beneventar mai, perquai ha el era giu merità in pau atenziun.